

續修四庫全書

《續修四庫全書》編纂委員會編

續修四庫全書

上海古籍出版社

一五二二・集部・別集類

繆荃孫集三十二卷 繆荃孫後集十二卷（繆荃孫集卷二十一至繆荃孫後集卷十二）

〔清〕祁寯藻撰

古微堂詩集十卷 〔清〕魏源撰

古微堂集十卷 〔清〕魏源撰

籀經堂類藁二十四卷（卷一至卷十五） 〔清〕陳慶鏞撰

一

一八三

三〇三

四五九

復仇亭集卷二十一

壽陽祁賓藻叔穎

古今體詩四十首 乙未

古意

灼灼木槿華顏色如處女朝榮夕已瘁不如麻與苧麻苧
無顏色采緝入機杼忍飢爲衣屨不如藝禾黍禾黍望時
雨十年九傷暑安得辟穀方服之自輕舉交藤能辟穀根
老實可煮結根三百年誰能坐待汝

雨久望晴同三兄作

憶昨待雨空堂黑與君挑燈愁如織風林灑然疑有聲危
坐相看動顏色潛身出戶試霑溼如盜驪珠先屏息果然

復仇亭集卷二十一

驚起老龍睡收歛雲鱗變頃刻世間恩澤不可倖倉卒已
被神靈識思窮望絕乃一遇萬事那復關人力旱久欲雨
雨欲晴奢心翻覺天工嗇皇天晴雨無盡時注目寥空送
飛翼

薄莫

薄莫上平皋閒看刈麥勞鐘鳴孤寺靜日落衆山高農事
一何急吾生隨所遭昔年種松處來坐聽風濤

得徐七熙菴書

故人京國來相遇壽水陽問君病何如云已歸故鄉側身
望西秦涇渭何蒼茫欲寄一紙書鴻雁不得將而我復抱
疴臂痛寒且僵憶君但有詩忽夢君在傍覺來遣長鬢附

以書數行道我心飢渴念君體羸危迢迢雙鯉魚報我瓊
瑤章上言病無恙妻子甘糟糠下言因病久得悟養生方
贈我五千言老氏誠剛強念我性褊急顧慮多傍徨鍼砭
到肌骨汗出頭如漿非君金石交何以知我詳雲龍逐東
野斯語安敢當新懦悼前猛勇退辭高翔君誠兼有之守
道身益康顧我幽憂疾灑落生清涼終當謝天伐嗒然師
庚桑

晚菊

百花零亂送秋光冷淡惟餘老圃香自是君身多傲骨不
關時節有清霜

聞楊時齋制軍楊誠村軍門先後以病去官感作

復仇亭集卷二十一

巴蜀多名將開平百戰親膽能破回鶻名獨動麒麟聲鼓
聲猶壯旌旗望若神歸雲信瀟灑大樹日輪困
絕塞論功日封侯相早成軍中聞小范隴右得長城金帶
圍腰重雕弓側翅驚誰憐病驥驥伏櫪尙縱橫

題香山新樂府二首

隋柳空攀折驪宮罷埽除如何杜陵叟腸斷白麻書
鼃龜鳴無謂鸞凰靜不喧惟餘秦吉了辛苦爾能言

書香山詩集後感帥中丞事

中丞名承濂字仙舟湖州北黃梅人道光初年撫浙去官時以鹽筴所餘存藩庫後任取充公用始形奏贖乃知公之清畏人知也

冷吟閒醉憶杭州誰識清風宦蹟留一樣私錢付官庫白
香山後帥仙舟 居易自中書舍人爲杭州刺史及罷俸鈔多留官庫繼守者公用不足則假而復填

如是五十餘年及黃巢至郡文籍焚燒其存遂止見唐語林

六弟歸有日矣渴望述懷

歸期早已報平安
悵望羸驂滯歲寒
應爲故人牽輓住
許西司鐸 二姊時 歸平遙

吟成筆未乾
辛苦賊中來
不易幾回驚
淚夢闌干

阿兄百事總支離
唯有耽書癖未移
破我幽憂非假藥
益人神智豈真癡

歸衰如紙薄
安排三篋是家貲
弟先以書三篋寄家

再題香山集

直使元劉心暗媿
豈惟牛李黨都忘
欲知此老非眞醉
試讀禽蟲十二章

侵仇亭集卷二十一 三

題六弟玉峯吟草

百首玉峯集
一年空谷吟
文章出憂患
離別付登臨
漸覺豪情退
仍期道力深
歸來且相慰
把卷對橫參

夢遊方山詩
先君戊伊犁
時作也偶從
族姪元輔案

頭見手草一紙
追念潸然因
鐫石嵌之山
寺敬次一篇

篇以誌永感

三年一夢區脫間
愁心千疊祁連山
碎葉城東卽歸路
眼中蒼翠何時還
華嚴長者騎虎笑
玉女闌露雙雲鬟
卻尋少年蠟屐跡
嵌空苔蘚斑斑春
風一吹無遠近
馬首萬里隨刀環
芒屨筇杖信非夢
幽賞披豁天難慳
憶昔劍吼侍登陟
童心快若開籠鵬
夜深踏月萬松上
人影出沒銀

河灣三十年來憂感集
腰腳久遜當時頑
不知神漢疏鑿處
落葉荒榛誰與刪

山嶺舊有池周可數百步先君自戍還率子弟往遊歎其蕪沒從兄朝襲

一掘得泉先君龍鱗半老但欲卧援臂未折猶能鸞猛虎

唐字之曰及泉龍鱗半老但欲卧援臂未折猶能鸞猛虎

掉頭龜曳尾山鬼一嘯銷陰姦
詩中詠邊大綬傳青主事

自寫弔古豐破羈愁顏
買山左券付片紙
鶴夢夢髮留仙

寰墓田丙舍宰木拱人事
變幻浮雲閒劉生妙手
李生筆

此詩劉君靈手摹並敬李君其芳鑄石

追次先君自號訪山詩三首

著書萬里遣窮愁
宦海風波老未休
知有山靈暗相召
歸心不負大刀頭

先著有西陲總統事略十二卷又要略四卷西域釋地一卷

侵仇亭集卷二十一 四

靈均行處畔牢愁
涖老歸來號四休
別有傷心羈客淚
思鄉不爲橘千頭

賸有青山不解愁
朝嵐暮靄幾時休
當時扶杖經行地
幼子童孫且白頭

嘉慶己巳歲夏先君遊方山舊溪與姪世弁隨侍年皆未冠彈指二十六年矣

輓故東閣大學士文清公
諱松筠字湘浦蒙古人

自古誰無死如公實可思

三朝存骨鯁四海念瘡痍

汲黯生原慙廉頗老不衰
便宜充國疏大事呂端知
執法文母害臨機雋不疑

乾隆間公雋者類

能容如夏屋可愛即冬曦
志在羣生有人稱衆母

慈忠清

先帝鑒公任兩江總督時會奉御批有忠清正直當代名臣之語

恩禮我

皇私每欲躬艱鉅何論數偶奇迂疏由遠慮激切出危詞
前席頻虛處東山再起時隱憂紆耿耿醇化望熙熙才大
難爲用名高敢自欺孟嘗三兔窟晏子一狐皮相業張安
世邊功李貳師賈生言抱火謝傳賭圍碁斟酌將奚取包
容詎兩持素心無喜慍黃口且瑕疵獨有蒼蒼者能知鷺
皤爲股肱臯贊拜體貌漢威儀以骸疾不任拜進退俱關
國安危更繫誰畢公方尹夏傳說竟騎箕牢落平生感蒼
茫兩世悲流離遷客去顧盼令公垂萬里關生入三江節
內移幕依嚴僕射樓傍庾元規先君成伊犁公待以賓師之禮奏請恩旨放還復
佐兩江 往日高軒過春風小巷吹任郎空葛帳韋母尙紗

餽飢亭集卷二十一 五

帷絕域抵羣乳殘年鶴鬢絲窮通忘勢分生死盡交期辛卯
歲寓藻省親同籍適星軺過壽陽迂道垂問老母談及先君事秋獻淚下大樹風飄急台星雨
隕隨今年托曹兩相易名懸竹帛流涕滿羌夷走卒知司
馬朝廷卧老罷百齡猶苦短一旦忽如遺拂拭延陵劍低
徊峴首碑公歸今不復吾道欲何之

漁洋題昌黎詩後云惜哉韓公不及此但取將相酬
恩讐予謂此特爲劉師命發耳先以馬援軒輊稱之
末乃寓以諷勸亦龍門傳游俠之意也

劉生跌宕非常儔韓公贈之良有由欲迴野馬入羈勒令
取將相酬恩讐以德報怨老氏語洙泗定論垂千秋自從
周衰大俠出睚眦一飯無時休文淵尙且論軒輊師命豈

免誇遨遊公以譏謗竄南海同官不怨柳與劉淮西大筆
亦直道豈爲毛羽生瘡疣推公此心爲將相芥蒂一掃空
九州才高志大語倔強諷勸中有詩人憂羣提居士老詩
伯此論未公吾不作胡家癸籤更瑣屑蚍蜉撼樹羣兒羞
胡震亨唐音癸籤摘公此詩及達夫季子多黃金少陵歸
山賈薄田數句以爲口實且云詩亦要占地步其論甚淺
城南一篇示符子高譚公相輕鉅樞論者以是爲公病公
病豈藉庸醫膠涪翁手書有深意彼哉入室操戈矛山谷書
符讀書城南

再題韓公詩碑呈鍾元甫汪杰邑侯唐語林邵氏聞
詩園花巷柳鎮州初歸詩楊柳桃李爲公寄意二妹
而作應說荒唐唐不可不辨頃與元甫談及所見適合
句紀之

餽飢亭集卷二十一 六

馬頭團月及春半花柳邊城冷未斷常山歸來春已深小
桃著花柳條亂詩人感物賦于役柳往雪來同此歎不知
語林何所據牽引二妹供一粲宋碑完好今尙存宋元祐
天常刻韓詩二石今尙在書院驛館中當卽漁陽所見者唐跋傳聞毋乃譌載壽陽發
地得二詩石有唐跋云云韓公自是磊落人文字不受紅
裙絆香山小詩目方笑東野驚才走且汗卽有箏琶侍休
沐豈聞鼙鼓生悽惋朝廷大體待籌策方鎮羣情正驕悍
公去屹如山岳重公歸再觀日月旦嘲桃謔柳歌不類蟋
蟀嘉禾義堪翫當時副使亦有人旅館題成應共看此詩
郎中詩後公使鎮州吳丹以駕部郎中副行今惜故駕部
平定老君洞厓石有韓愈吳丹過此六字題名惜故駕部
詩已佚賴有侍郎句可案我侯好古事探討暇日城東集

童冠文黨石室賸復新昌黎木主朽重煥邑侯重修受川書院復祀昌黎先生於講堂知公精靈留山阿爲我窮鄉施礪鍛寒林斜日幾

登眺古驛停車見詞翰蟲吟唧唧空自訴賈說荒唐誰爲竄我侯詩品能淹貫特爲韓碑發璀璨更鑿片石索我詩添寫山亭秋一段

雪夜讀豔雪堂集松溪遺稿感作并序

豔雪堂集陽城張雋三晉著雋三弃一矜遠游足迹

幾徧天下以布衣老詩筆豪橫陵轅一時詠史樂府

尤工其弟子同邑李松溪毅亦奇士也余戊寅秋與

松溪識於京師後聞其南游訪延荔浦君壽遂卒於

浙江長興縣齋年僅三十許延亦陽城詩人兩集皆

硯飢亭集卷二十一 七

延序而刊者

魯連細黠田巴老黃鶴蒼鷹總不凡豈謂詩人例窮蹇或疑造化忌彫劖文昌樂府工何益長吉奚囊恨莫緘莽莽太行山雪裏招魂誰與問彭咸

檢書有感

雪窗鳥雀寒不喧插架異書隨手翻縹緲小篆見鈴印藏弄不知更幾番標題郡望留姓氏款識歷歷皆清門當其實惜手自校豈料蠹穿朱墨痕板新紙古精神存就中數冊瓊瑤琨印文七字抵痛哭賣此書以不孝論杜家清俸盡在此欲以危言盟子孫翩然乃落平陽市便上汾船走千里摩挲不忍更簽題楚弓楚得何足喜古來平水置書

局元太宗時立經籍所於平陽設官董之祕笈時時出舊族磋商散後田廬荒何論鄴侯三萬軸

次和三兄夜坐有感同六弟作

我年四十三已殊少壯時危坐力難久高譚神易疲近因右擊病運筆無由馳廢學如寒竿何以和墳簞阿兄年曰艾擘經吐宏詞阿弟齒逾壯如弓方滿持宦游各有感人事紛澆漓不如守一廬彫鐫爲小詩空山多幽人慰我渴與飢拂衣謝塵鞅皓首同襟期

冬曉食杏酪糗饌次三兄韵

食酪令人肥如乳不容割食饌令人柔如飴難著手杏甜糗更黏輒美非諍友試以醇醪比取醉不在酒釋氏供醍醐饑人薦養糗得一亦足豪此味能兼否吾生慣藜莧捫腹一何有食字不得飽蠢簡空自守嘗膽縱未能稍稍思苦口飢盤那得此縮額慙且咎坡公歌眞一古味勝牢九

硯飢亭集卷二十一 八

東坡詩豈惟牢九薦古杜老託長鑱黃精可以壽味要使眞一流天漿

題劉澄齋先生詩集三首介休人與先君同官翰林時有文章鉅

輒軻文章老更奇少年骨氣相公知官翰林時有文章鉅切先君提調史館舉以自代總裁阿文成公問曰此非上書某公者邪骨氣如此可勝提調任矣此事先君嘗稱述之傷心倦鳥孤雲句猶似長安贈別時集中留別先君詩深離亭尊酒帶愁斟飛飛倦鳥思鄉樹冉冉孤雲返故岑往事巾幘勞遠夢他年車笠見交心也知離別尋常事一唱驪歌淚不禁

蓋未第時作也
汾水歸來又幾年雪泥鴻爪轉悽然蘭叢先君心事雞窗

語感舊惟思奚午賢

太原願真道院假寓感懷同硯諸君詩有賀益風流奚午賢之句

患難交情饋藁饘汾陽舊雨有諸賢春明門外天涯草淚

灑濛池第一篇

先君西皮著濛池行稿二卷卷首留別閭墨園曹定軒郭可之劉澄齋諸君子皆汾陽郡人也

客至君勿厭一篇

客至君勿厭聽我為客陳自君歸田廬客亦何負君君欲問耕稼農諺述辛苦君欲知貴賤近市亦可詢君欲弄筆札造請踵及門村紙雖不佳山墨雖不珍助君之揮灑可以怡心神聞君遊京國四座羅朋賓清譚殊未已往往夜達晨今夕斯何夕客至愁且驪問君愁且驪君亦豈有因低頭不敢對欲對還逡巡凡子之所詰異乎吾所云商賈

《漫飢亭集卷二十一

九

非我事貴賤何必分大賈以心計小賈算錢緡當其抵掌談錙銖而斷斷豈知白屋下糠覈衣懸鵠吾非厭此客吾言皆客瞋農事吾所欣真言出天民尚惜此客少不能來如雲筆札吾所親自娛非娛人五乖與五合斯理難具論買菜但求益嗟賞徒紛紜所厭不在客厭此鑿天真書賈與市賈名異實則均以此三事較願與農為鄰士農雖異業所業樸且淳吾性誠愛客愛客能論文南村有劉子雲好古篤且勤聞之不可見悵望冬復春北村解孝廉崙讀書釜生塵人皆笑迂僻其言多不羣吾聞三益友友直諒多聞非此則為損何以輔我仁謝客吾豈敢慎交古所敦持此荅客難庶幾為解紛

食豆渣戲作

磨豆作腐存其渣色如輕塵栖雪沙吹漚沫幾滲漉殘膏賸汁銷精華貧家噉糠不噉此謂此只可肥豚豕那知風味亦差別棄取豈必分管庥長安富兒厭梁肉萬錢一箸當筵嗟翻思縮額到昌歆徑欲誇口食蝦蟆賭奇爭異無不至性之所癖能嗜痴若以此物門百草咄嗟可助枯盤奢世間至味那有定乃不敵彼壺與瓜斷葱煎油滑且膩牛飼不聞聲觸牙庾郎三九任客笑蕪蕪豆粥非此耶祇愁闌豬餓欲死朝暮怒爾狙公家

贈劉雪巖

雲

雪巖先生予同里古貌高情玉川子兩載不識竊自媿每

《漫飢亭集卷二十一

十

聞人笑心獨喜先生鸞鶴有遐想衿帶裹身聊復爾文場弄筆偶遊戲光怪已動輶軒史拂衣大笑歸五峯山名高枕清流日漱齒霜紅龕人古黃綺二百年來誰繼起山靈木客罷悲嘯烏迹龍文落縑紙先生追慕若飢渴收拾斷爛出塵滓朱絲細鉤神復完墨玉深鑿魂不死坐令門庭塞無路秋色寸寸滴窗几君酷嗜傳青主書片紙必壽諸石朔風吹雪衣裳裂妻孥愁歎高歌裏往年早饑穀騰踊欲以升斗活桑梓領困不足急稱貸眾口迂怪嘲不止近聞生壙有銘刻豈謂後世無知已先生抱才縱不仕品量亦公之佗青主比別號劉伶傳奕同一醉青山白雲長若此去年手跋方山詩亦曰人生如夢耳先君夢遊方山詩刻君為跋尾先生於道乃真覺豈獨愛

山入骨髓青山偃蹇如高人常時不肯近城市昨以髯蘇句持贈意在追逐忘庸鄙頃集蘇詩古器縱橫猶識鼎青山偃蹇如高人二語書聯贈之南村相望山尺咫青鞵步韞從此始杜句作詩誰爲致雙鯉琢玉坊邊人姓李李君復其芳與雪巖善凡傳書多李手刻

惜良馬行

并序

此馬爲伊犁參贊大臣靜止二兄客安所贈余嘗乘以隨扈道光十年秋乞假西歸十月馬死瘞於村北岡下僕夫灑淚余亦悽然會參贊以邊事獲譴入都驛館相見語及馬猶撫髀太息曰此真大宛種也

夕陽眺平岡躊躇不能去韋田之東官道西此是昔年瘞馬處躍馬二十年何獨此馬憐此馬馴健非凡馬玉頂銀蹄汗流赭借問殷勤贈者誰伊犁參贊將軍者道光七年

餽仇亭集卷二十一

十一

春正月回疆平獻俘北闕下

天子臨軒楹是時五月火雲赫鯨鯢一戮雨洗兵明年萬馬來西域骨格一一銅爲式將軍贈我扈

東巡貢餘一匹千金直騎出朝陽門東越山海關醫無閭秋峻阪下薩爾濟嶺名夜飛電聞此馬真堪託生死騰驤沛

芟三千里霜林朝日沙道長無人不羨臣馬良歸來芻豆不得飽西入太行卧秋草春尋夏戾失調宜不死鹽車死

伏阜自從失此馬令我蹉跎氣益下將軍亦數奇射虎時遭醉尉罵將軍愛馬能與人我愛馬不如將軍此馬若爲

將軍死未必沙場不策勲紛紛驚駘死亦何足惜此馬惜未盡其力盡其力棄其身生馬亦與死馬均世無田子方誰知老馬多苦辛老馬雖老智不竭毋令蹉跎耳死墮荒山窟縱有黃金難買骨

荅六弟和前二詩意

吾贈劉生詩將爲俗人醫忽然惜良馬蓋惜知者寡相人相馬可並觀以馬較人人更難陳悲伯樂世亦有平原信陵今在否能以朽骨換真才古來唯見黃金臺黃金臺自隗始樂毅辭燕豈得已功成謗書乃盈篋不如老向空山死我馬不死亦蹉跎劉生劉生奈爾何世間抑塞磊落之才何其多焉用王郎拔劍斫地歌

餽仇亭集卷二十一

十二

望雪有感

閉門幽憂百不知惟望雨雪輒有詩詩成自慰復自歎歎此恩澤天無私年來旱潦南國甚江湖卻羨幽并兒幽并健兒好身手不把鋤犁市塵走大困高廩屯若山下戶何從糴升斗今年斗米錢一千年雖不豐仍中年中年米價已如此此事騰踊那關天天之於物何厚薄東風釀雪爲春麥紅朽不能救餓死安用臘前見三白國家常平有良法法敝乃爲大賈劫從此旱潦更難問使天雨粟天亦乏誰采我詩上大官我詩不是賀雪篇

炕爆詩

并序

三九寒宵一炕踰伏忽聞大聲發於竈隅噴火迸煙

怒如爆竹余乃撩衣下視炕已龜坼矣明日呼工泥之工曰此炕爆也乃突塵積溼淫鬱氣不宣洩所致詩以紀異炕字自宋人已入詩蓋借用詩瓠葉傳炕火曰炙之義魏書陳奇傳隋書張文詡語舊唐書高麗傳皆作坑日知錄及韓門綴學詳言之

北炕與南牀地氣不可較穿土以行火中空若方窖石炭熾其下煙突屹高罩席煥坐屢遷縣溫寐無覺讀書劬深夜門外風吼豹蟲聲何處來細脆觸鞞鞞初如茶鼎沸又似鐙穗爆欠伸正疑怪噴礮忽掀趨傾維地折軸裂石機發礮風眩眼花亂蟲聚耳雷闐拂衣愁化灰撲面恐生炮跟踉呼僮僕錯愕動容貌蟄豈驚龍蛇占欲擲杯玳隆冬

○ 履齋集卷二十一 三

火休囚愆陽氣暗膠蓄憤固已久突發安肯稍今年秋霖多東壁陷于淖幸免沈窳憂不計徙薪效區區補救晚盜去乃置校因悟萬物理外潰中必拗疏通決壅滯可以爲民教

疊韵和六弟水仙花

花開莫嫌遲試與去年較去年養此花屋令如雪窖選石細細安翦紙深深罩春窗玉女睡千喚不一覺蘭箭未化蝶筍皮但留豹塵生洛妃步錦惜玉環勒直至上元夕深巷聞竹爆一花始催放困舞難騰趨寒飈妬山卉萬弩下石礮素梅冬無豔紅杏春不鬧枯枝時萌芽病葉半皴皴何緣冰雪中現出姑射貌玲瓏茁花螭漱澹傾玉玢瑤簪

拈易墮錫管吹難膠凝睇猶珊珊麝香已稍稍仙骨冷於水夢不染泥淖天然謝家女顰豈西施效茶經助幽賞花史待警校攬鬢卻羞插觸手那忍拗援琴寫此曲欲奉成連教

感事

一飯千金亦足豪當年意氣比投膠田文老去誰焚券任昉生前未絕交把劍欲懸何處樹牽蘿能補幾重茅鄰家舉火煩相待敢爲狐裘作解嘲

哀二士 并序

同里劉子 遇遠 族兄定中 延宅 皆隱於酒民而士行者也年未六十相繼殂謝詩以哀之

○ 履齋集卷二十一 四

劉子以酒死吾家定中今復然二子皆嗜酒乃能以酒全其天劉子被酒但有笑定中酒酣怒且叫酒能令人喜亦能令人怒二子都不解其故酒態雖不同都無芥蒂於胷中劉子能書且喜畫其畫自愛惜獨爲北寺醉僧留其跡定中工雕鐫青山大石往往生光妍去年劉子死寺僧從此不醉矣今年喪定中吾書雖與施磨礱嗚呼二子乃民耳民也可以進於士士之鄙者媿此民作詩豈惟哀酒人

冬晚行白家山莊

夕陽下林麓枯木斷河梁清淺不可越驅車獨傍隍敲冰輾積雪沙石聲微茫明月從東來與我遙相望荒村暮煙合宿鳥棲寒光一水幾紆折龍門 村名歸路長

紀事

胡翁何許人寄食河間陂鄰村有巨猾牛氏擁高貲一朝
 孟酒間談笑生險熾猾也揮利刃翁無寸鐵持空堂走風
 雨霹靂聲交馳出入刀光中猾力不可支橫刀出門去更
 招諸健兒翼日決一戰衆皆爲翁危翁顧笑謂衆吾聊與
 若嬉翩然造其門猾乃盛威儀拔刀啗翁肉翁以口接之
 肉盡刀不出力竭難轉移噴刀十步外猾黨方潛窺劍戟
 倏雨集翁已升屋櫺櫺恍失所在猾也驚且噫再拜謝翁
 教請翁爲兒師兩載兒藝成翁請從此辭兒復不自量欲
 效逢蒙爲倉卒爲翁困幾死於路岐翁也何許人里居人
 不知精精與空空此術何其奇或言事演藩吳三滇敗爲
 逃廝或云地行仙又疑老狐狸至今獻縣人傳聞多異辭
 豪富惡少年睚眦無已時何當逢此翁一爲巨猾規此乾隆年
 間獻縣事頃有道
 及者作詩紀之

續仇亭集卷二十一 五

續仇亭集卷二十二

壽陽祁寓藻叔穎

古今體詩四十八首 丙申丁酉

元日里居述懷

拜祠謁墓各怱怱里巷新年有古風元旦祭家祠畢合族
 果於庶下唯老者得與於燕不拘輩行也里多長幼序井然後設茶
 族葬墓田去村遠者不過數里祭祠畢即謁墓茗盃消寒
 酬父老綵衣賀歲走兒童蕭疏爆竹春生夜掠亂飛花雪
 點空等是長安愁米貴何如只在此山中

二月九日雨

東風解凍土膏滋正是扶犁種麥時農諺春分耕麥萬事不如春
 雨足豐年惟有老農知驟聞隔巷人聲喜準擬明朝米價

續仇亭集卷二十二 一

衰收取樓頭好山色晚來閒品玉壺詩

題唐崇福寺陀羅尼幢

片石千秋有至公大唐年號屬神功褚虞筆法金輪字不
 識人間辟嗣通平舒村北崇福寺有唐神功元年石幢高丈餘八角三層上層蓮華頂已圯中層鐫
 經文周圍鐫十六大字曰上爲皇帝陛下敬造佛頂尊勝
 陀羅尼幢其時武后臨朝所云上者蓋謂中宗且神功年
 號猶系大唐不書周
 號當日人心可知已

東軒詩爲張鶴巖先生作

東軒先生居城東行年七十顏猶童人境車馬不到處閉
 門終日吟春風講學授徒樂忘倦指畫所及皆發蒙四十
 年來壽川士以東軒爲師儒宗支分派衍潤百里其源則
 一流則洪先生明經不欲仕一第偶爾榮章逢春官歸來

更瀟灑高想直軼冥鴻山國氣寒春事慵萬花獨爲先生容軒前嘉木手所植梨桃杏柳松梧桐橘柚桂竹皆南產水鄉乃有荷芙蓉盆羅池列溢闌檻其餘名卉紛成叢先生樹人已百稷草木亦且歸陶鎔得非寸田生意足和氣所感無不通繫余弱冠屢謁論交安敢方膺融日長人靜鈴索語危坐若釣溫而恭豈惟清譚見滋味直使矜躁平心胷先生餘藝亦濟物堪與金匱俱研窮城南王丈有同志登覽不藉青藤筇曩爲我家卜阡隴至今松翠長鬱蔥宦游歲月入霜鬢顧盼卻媿方青瞳蘇家東軒在何許一籠載取愁髯翁豈如先生面城坐杖屨不出花香中黃塵滾滾駒忽忽開軒一笑看雲龍韓子猶知慕盤谷倪

生何日歸耕農

四月六日歸自孟縣迂道遊方山

羊腸歷盡怯摧輪松徑紆迴頓出塵猛虎尙聞馴長者怪禽那用避遊人斜陽萬皺明如畫古寺重過跡已陳三十年來磐石上清潭依舊鬢毛新嘉慶己巳侍先君來遊時年十七

沈沈鐘鼓動巖阿楚衣裳散薜蘿地迴夜看星月大林

深晴覺雨風多迴思客路千盤折且共僧談一剎那更喜

壁間題句滿故鄉山色足吟哦張東軒錦標李鶴樵仙蟠遂德星映堂從兄及泉朝

驥皆有題詠今年山是故鄉看鶴樵句也

方山十詠

兩寺

縵飢亭集卷二十二

二

碧螺闢右戶下寺名昭化寺蒼龍枕左股昭化上院即上寺也雨寺鬱相望不知孰賓主日夕嵐氣合松濤雜風雨

長者洞唐開元時李長者遁元於此山著華嚴經論成化去土人擇地於大山之陰累石爲墳詳見雲居散人馬支纂錄今墳址詢之山僧不可得云此洞昔乃累石乾隆六十年始輒贅象塔形疑卽長者墓也然纂錄云山陰此洞在山陽侯再考

石塔不可見於何見舍利去住常然耳長者語即此華嚴義

沈沈長者洞中有唐文字宣定和上云相傳洞中有丹書細字疑長者著論所遺

天池山頂玉皇閣西

長松萬龍蚪飲此一潭綠憶我初來此引手得寒玉觀河面生皺況乃塵容俗

雲洞

縵飢亭集卷二十二

三

天池池下巖雲洞能作雨我來三日住觸石思一觀想見空濛中玉女倚窗戶

靈松岩昭化上院之西

側立靈松岩下有金剛泉松以石爲土泉以松爲天飛入明月中人間無此圓

白龍池

白龍眠何許乃在靈岩西云是古神湫亭額沒草泥池旁有化龍天石闌寸寸碧秋色不可梯池四字

黑龍池

東峯雨潭水松影太古黑斜日忽闖漏斑駁見顏色只疑張伯英遺此漢時墨

青龍池

山北青龍池路險不可窺時聞采樵人獨上偶見之盛夏凝若冰冬雪無輕斯

赤龍黃龍二池

赤龍常若渴暴雨不得盈黃龍含土精流潤無停聲地勢使之然何論濁與清

靈跡碑唐天祐四年碑神福山寺靈跡記王居仁撰王崇裕書宋崇寧元年碑此邱宗勝立上方有長者像

唐石龕若絹宋石滑如鏡皆述長者跡一一標靈應天覺彼何人佞佛實自佞宋張商英有長者龕記

由昭化上院登最高頂玉皇閣

漫叟亭集卷二十二 四

高閣登臨亦壯哉萬松陰合一潭開始知天下寬平處都自人間絕險來迴指仇猶出城郭俯聞神蝠吸風雷昔人於方蓋取山形名之見先君詩集他時樵牧應傳說親見羣仙對舉杯

昭化上院藏經閣觀李長者華嚴經論及水陸畫軸

逝多古蘭若馬支纂錄長者事跡云神福山逝多蘭若今方山是也遺跡唐開元其

山方若孟分脈清涼山東西兩翼峙中有神龍蟠長者唐皇支妙相菩薩鬘一朝跨虎至神龍獻其泉天女為供養

一龕棲五年華嚴并九品論成蟬蛻仙至今流水聲如寫

天龍禪戟藏經閣插架珠林編藏經閣明萬曆中僧明讓所建其全經乃請於

南京禮部印發者今存者四續續各三十六函長者所著華嚴經論一百二十卷合序目共三十五冊尚完山

僧不識字顛倒隨風煙撥塵試搜檢幸喜經論完支那手

撰述梵夾猶新鮮法象有護持讓師亦云賢傳聞此山寺畫像雄且妍牆角發兩笥大軸森如椽天人神鬼趣變相

雜悲歡尻雕擁山嶽頭鬣排魚龜仰瞻滿月容低眉惟無言誰欺擅妙繪金陵唐如天吳畫世罕觀筆法依稀傳此

山歷顯晦而今尤彫殘墮垣敗瓦中鐘鼓聲不圓青松與白石羞澀難為顏嗟余涉塵網窮幽偶躋攀豈無三宿戀

記荊聊成篇

山底逢要處士錫元

要家兄弟讀書處空山石榻生青苔下山相逢似相識煎茶為我書堂開感新話舊索筆札問我出山何時回君今

漫叟亭集卷二十二 五

未老我強仕結茆更約重歸來余十七歲初遊方山時處識通籍同里又一往還及今凡三見焉山底處士所居村名也

蔣丹林前輩祥墀童子釣遊圖

五湖煙景有誰爭杜牧之句四海門閭無此榮收得夔龍強健在白頭閒詠荅昇平

今人豈止古人同直恐疏楊羨若翁莫惜世無工畫者世間此樂畫難工

荆扉水落馴鷗鷺桐樹枝高引鳳皇要識先生釣遊意年

豐人樂抵還鄉先生自題云祇恐馬夷頻肆虐幾多鷗鷺占荆扉蓋念鄉國頻年水患也

潘芝軒相國夫子花瑞圖

姚黃魏紫門千萬金帶獨屬韓忠獻七百年來無此花此

花若以人爲券金閨王氏三花紅主人寫圖歸我公公復
謙讓意有屬奇瑞願與鄉人同沂國梅花古亦有惟公篤
孝世無偶朱草華平孕毓難芝蘭玉樹栽培厚此花之開
遲十年植根已在十年前和氣所鍾久乃見不與凡卉爭
春妍方今玉燭調風雨天下豐年瑞可觀知公袖有嘉禾
圖不獨黃華淡秋圃

徐熙莽自涇陽寄示九日登高詩次韵卻寄

三年何事戀家山應笑塵衣殷復殷豹隱有文終自惜鳥
飛未倦已知還枚生七發相如病陶侃分陰宏景閒斟酌
前賢期努力不須惆悵馬蹄孱

金臺西望遼河山朝退花輶日影殷芳訊忽聞雙鯉到好

《謾訖亭集卷二十二》 六

風遙送片雲還舊交漸遠添新句鄉夢何因得再聞余比年家

居去秋遣一介謁君歸得手書多媿目眇兼婉弱比君詩骨定誰孱

題羅蘇溪繞典使蜀草卽送其之平陽郡守任

題橋椽筆氣如虹一卷新詩四國風絕似屢提老居士皇

華程裏說蠶叢

股肱大郡正需才聯騎羣仙出上台張茅雲集警語蘇初厚光與蘇溪以詞臣

皆特簡也竹馬兒童笑相識使君親見益州來

溫潞園廬未盡蕪林宗塾角有遺模贈行更舉黃羊例舉

善何妨及解狐

十二月十三日大雪盈尺翼日程春海少司農恩澤

招吳荷屋榮光徐星伯松兩前輩徐廉峯實善編修

同集吳鴻生葆晉舍人城南高齋以林表明霽色分
韵賦詩見示因成轉韵長句報之

舍人官閣疑山林司農招我曾登臨疏簾落日見城郭地
高天遠生秋心燕臺尺雪頻年少羽擊齊飛破寒曉九市
喧傳古仙過一杯凝望浮雲表可憐侔揣久不成詩來使
我雙眼明高歌密詠歎且喜尺幅中有豐年聲年豐氣和
消百診坐看西山放新霽

聖敬格天豈偶然諸公憂國誠先計春來莽莽同雲色似
滿畿南接關北露章馳賀在頃刻吟望鄉關更遙憶

二十二日春海少司農招同吳荷屋潘芸閣錫恩兩

前輩徐廉峯編修集顯處視月齋拜坡公像補作生

《謾訖亭集卷二十二》 七

日并觀荷屋先生所藏宋槧施顧合注蘇詩本及風

篁圖以一曲鶴南飛分韵得鶴字

紫裘腰笛橫江閣畫障滿堂舞松鶴人生安得如公壽千

載精神緬猶昨高冠笠屐儘瀟灑遺像何必衰與鄂蘇齋

老去壇坫冷三十年來無此樂司農好古復好客暇日爲

公一舉爵中秋重九那有定此例已自髯翁作希韓鞠脰

奉警欵銀篆香螺裊簾幕是時崢嶸歲將莫積雪在地簷

冰落公詩光茫照古簡瞥眼開匣得干鏤施顧合箋世已

稀況出宋槧非贗託中丞何處得此本賓主傳觀喜且愕

憶從

祕殿見杜集嘉祐所乘亦相若大小毛公舊藏弄宋嘉祐間始蘇

郡守王祺萊工部集明崇禎己卯毛展鈔補有跋亦汲古閣藏本也曾於 慈勤殿見之題識此詳彼則略人間天上各有緣眼福合併誰料度蘇齋老人真好事卷卷銀鉤字鴉躍鉅公名士爭綴筆矮紙斜行無地著摩挲未了讀壁畫二老風篁坐談謔浮名似笑後生癡狂態卻對前賢作中丞司農得詩隨江左潘徐氣磅礴酒酣耳熱誦坡句追逐松喬鄙衛霍緊余廢學如寒竿拄杖三年戀幽壑不敢望公揮翰手和陶有志公應諾施顯注蘇子晉家舊藏展轉歸大興翁重經先生樵坡公數像於卷端賦詩題識幾於無卷無之今藏荷屋中丞處重裝副葉釐爲四續乾隆嘉慶道光三朝名流筆蹟闕述不特宋槧足珍即此零珠碎玉亦希世之寶也

丁酉初春重居食筍齋次淪齋韵

小園何寂寂春氣漸騰騰地初安竈登樓又踏冰踏冰重上

侵仇亭集卷二十二 八

夕陽樓春海和山癯君莫厭筍債我猶勝舊雨兼今雨軒窗好共憑時澄懷園同直者徐惺菴士芬杜芝農受田賈齋與予凡七八十餘年無此盛聚

荷屋前輩清遠峽寺舊遊圖

憶共山僧語夜闌玉環金鎖事迷漫卅年宦跡雙蓬鬢萬里鄉心一釣竿坡老北來聊泛宅清遠聊爲泛宅行坡公寄莊老句稚川南去爲求丹晴谿翠竇經行熟輸與先生說到難

浮槎曾幾二禺臺九月山桃花亂開清夢似潮仍過峽碧瀾留句已生苔蒼茫尺幅當窗見蕭灑扁舟落手來大雪燕臺宵宴罷一時迴首嶺頭梅君雨遊皆以歲莫余壬午奉使粵東往來雨登峽寺

次韵淪齋新春園寓書懷六首

地界銀灣左園居闔苑東水如折衣帶山是曲屏風

鳳閣棲仙侶

龍章仰太空至今青翠氣長在五雲中

近光樓恭懸康熙御筆青翠霄漢

書額

丹雘新居煥藤蘿舊徑迷園廬去年重修十年魚在藻四度燕銜泥余自辛巳入直除奉使回籍中間居是園者思命矣老竹仍當

砌春花故點畦門前蓮葉水原不限東西

典型瞻老輩時吳興潘公長白穆公爲上書房總師傅穆公又與蒲城王公同直南書房皆樞相談笑接醇儒惺菴學士遠齋大理芝農沈馬鈞室侍講松甫書房野堪求友苑星尙繫吾澄懷遺卷在盛會近年無

澄懷八友圖乾隆間蔡葛山相國所繪也皇亦欲陪高子諸傳各有題詠石本流傳頃於崧甫處見之

侵仇亭集卷二十二 九

詠蓬心媿久蕪

憶昔從黃石仙癯骨相清秋花寒不落春水綠方生屋有

歸航號齋仍食筍名黃左田先生居直園三十年丙戌歲致仕歸里顏其屋曰人海歸航今食

筍齋仍先向來聞鶴歎進退總分明先生常喜誦東坡鶴生舊額也如之

柳筆

天垂眷吳鉤氣上騰花驤傳駿骨梵呪屬神僧君屢奉經墨妙摹碑古予近拓壽陽魏齊唐碑數種以君雅好金石悉貽之衣香

賜硯會去年君奉特賜松雪齋硯莫論才卓犖刻畫亦臣能

高樓對月華圓到侍臣家

苑樹春偏早街燈夜不譁詩歌紛白雪官職近黃麻唐制翰林

掌黃一笑酬佳節豐年酒易賒

御書印心石屋圖爲陶雲汀謝制府前輩題

歲旃蒙冬季月望陶公述職來南疆

天子前席公跼旁

眷深禮重

恩沛滂凡思對命靡弗詳仰窺

羲畫堯文章是時錫福開春陽天下皆知文字祥

帝曰楚材汝實良賜汝額書汝其獲公拜稽首色悚惶臣

里居直江之吭惟濱有石如印方濤撞沙噴其質剛在水

不濡亦不僵取以印心心斯臧臣自筮仕辭湖湘方寸所

懷老敢忘惟臣之寶非白珩願以此石升明堂臣聞遠古

有聖皇煉五色石補穹蒼星精下燭天南荒衡岳所結由

混茫奎壁幸許分餘光

帝曰俞哉汝言昌予嘉汝績爲汝彰四字墨寶垂琳琅豈

惟乃心迪吉康咨汝啟沃贊贊襄公拜且舞出九閭百寮

聳觀如堵牆都城十日聞天香人間不敢私弄藏摩厓萬

本雲錦張公之恭敬在梓桑捧還父老相扶將感拚決若

驚鳧翔但言玉軸金題襲我

皇治理登虞唐萬幾日昃猶不遑

手詔細札多十行大書惟用

賜壽觴匪公其孰膺此慶近者陳氏之義莊陳芝楣中丞入觀亦蒙

御書義莊二字賜之先後拜寵何輝煌

鴻藻豈獨榮其鄉直恐岫嶠無光芒舍人作記聲鏗鏘宜

與畫本傳縹緗公繪圖徵詩以榮君賜侍臣珥筆斗戴吳舍人清皋爲記其事

匡賦詩紀盛職所當歲星在吳歲大穰公其運璧春陰長

林少穆前輩則徐以蘇撫述職來都旋拜湖督之

命賦詩奉餞

東南節鉞天下雄其要三吳與兩楚吳爲閩越之咽喉楚

則蜀豫之門戶民殷政繁責任重選置疆帥勞

聖主安危所繫在得人經緯全才賴兼舉月在孟陬歲疆

圉公述職來自南土西山大雪放新霽

天子臨軒公拜舞

前席咨諏越旬日謀猷密勿人莫覩

帝曰嘉哉惟汝績予聞吳民歌召杜惟楚之民亦望汝汝

其爲予作霖雨洞庭南北厥壤大比年小醜煩用武北臨

江漢要隄防南界苗獠須鎮撫年豐訟簡水菑澹然後吾

民得安堵公拜稽首僂僂俯臣聞牧民如哺乳黔赤則子

吏則母吏或不良民乃窳其始巫鬼牽習俗甚者當車恃

螳斧時和必先去世害馬政猛務在除苛虎臣愚不敏請從

事願奉

德恩勉揚詡維時三載

帝考績

丹綸捧出日亭午百寮額手九市抃已見卿雲爛江許侍
臣相顧更私喜摘藻會陪東壁府公望屬公今果然不獨
彈冠及貢禹西園舊雨得重聚皎皎明月盈三五醇醪一
斗爲公醉醉後狂言毋乃魯

朝廷恩重報稱難力薄才疏媿無補作詩願公德施普他
日勛名照鼎輔

次荅淪齋敲冰戲作

春水綠於酒春雲薄似冰酒新醒復醉冰嫩解還凝君已
移家慣吾猶種樹能來詩以橐駝爲戲園丁暗相笑豪興有誰會
寶賢堂龜硯歌爲張石洲滌運作

龜書世莫識龜卜廢已久惜哉有墨不得食曳尾甘向泥

侵蝕亭集卷二十二 三

塗走元精萬古淪石髓兆圻依然見奇偶強作硯田已失
職況令龍尾嘲牛後翩翩晉王孫一見勝瓊玖置之寶賢
之高堂禹篆孔銘相左右玉魚不死蘭紙出三百年來誰
與守世間俗書逞姿媚泰簡駸駸變蝌蚪蛇蚓得意免夜
哭靈蟪義不汙其垢張君嗜古飽奇字箸書不復憂覆瓿
下揖冰斯上軒頡頏激石鼓悲响嘯元夫闐然乃入戶衆
目驚怪笑且醜臨池濡墨獨狂喜至寶肯落豫且手君看
長安諸少年黃金爲印龜爲鈕纍纍若若真可憐富貴浮
雲一何有豈無石卿侯豈無文字友玉堂新樣豈不佳月
露風雲忍相負讀君詩飲君酒送君還鄉歲在酉酒酣鑽
龜爲君卜龜言抱璞終當剖烏虜抱璞終當剖君不見鳳

皇麒麟在郊藪

卓海帆前輩屬題華嶽雲開立馬看圖

展君看嶽圖立馬如遠眺讀君登嶽詩絕頂身乃到壯遊
挾奇氣寫以閑神貌阮公芸臺先生亦有言遊山須年少想當
攀躡初目已無險奧而君慎舉趾進乃防其躁君丁卯登嶽有舉趾防失解之句此豈少年語老境恐難造圖成廿載後用意
婉而妙攬轡若有思置身不欲陷軺車再經過雲開見晴
曜仙人撫掌喜玉女低頭笑用君甲午衡才與讞獄兩事望華詩意
可並較亦如遊山人心領有真要我昔西度隴過眼失雲
嶠夢中青蓮華至今頭屢掉重遊定何日腰腳尙騰趲因
君問奇句搔首慙謝朓

侵蝕亭集卷二十二 三

海帆先生荷舟聽雨圖道光乙未上試卿貳詩題道光乙未上試卿貳詩題

憶金陵句也是科先生典故試江

手把芙蓉汗漫遊天風吹雨灑清秋詩王已屬陳芳國星

使眞乘太乙舟仙掌西擎雲滿袖大江東去月當樓江面

月照時是科定知露冷蓮房夜綵筆無人歎白頭

貌取江鄉入畫圖

御屏詩句紀

恩殊

帝知巴蜀多文雅人比煙波一釣徒舊雨莓苔如有約同

舟鷗鷺不嫌孤先生近權兵部幸得同事樂泉西畔吟詩舫準備先生

倒玉壺